

**Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE**



**Broj: 01-103/23
Vareš, 27.04.2023. godine**

Na osnovu člana 13. stav 2., člana 36. i 37. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09), člana 13. stav 1. Zakona o pripadnosti javnih prihoda u Federaciji BiH („Službene novine Federacije BiH“, broj: 22/06, 43/08, 22/09, 35/14 i 94/15) te člana 22. tačke 6. Statuta Općine Vareš – Prečišćeni tekst broj: 01-162/12 od 11.09.2012. godine, Općinsko vijeće Vareš na 25. sjednici održanoj dana 27.04.2023. godine, ***d o n o s i***

ODLUKU **o dopuni Odluke o općinskim komunalnim taksama**

Član 1.

U Odluci o općinskim komunalnim taksama Općine Vareš broj:01-282/22 od 29.12.2022. godine, u članu 13. iza stava 2) dodaje se novi stav 3) koji glasi:

„Pravna lica koja obavljaju privrednu djelatnost u privremenim (pokretnim) objektima – kiosci, taksa se razrezuje u iznosu 5% od propisane takse u članu 11., Tarifni broj 1., stav 2)“.

Član 2.

Ova Odluka stupa na snagu narednog dana od dana objavljivanja na oglasnoj ploči Općine Vareš.

**PREDSJEDAVAJUĆA
OPĆINSKOG VIJEĆA**

Mahira Brkić

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba



O b r a z l o ž e n j e

I PRAVNI OSNOV

Pravni osnov za donošenje dopune Odluke o općinskim komunalnim taksama na području Općine Vareš, sadržan je u:

- **Zakonu o principima lokalne samouprave u FBiH** („Službene novine FBiH“, broj: 49/06 i 51/09)
 - član 13. stav 2. alineja 4.: Općinsko vijeće u okviru svojih nadležnosti donosi propise o porezima, taksama, naknadama i doprinosima jedinice lokalne samouprave u skladu sa zakonom;
 - član 36.: U zakonom propisanim okvirima jedinice lokalne samouprave donose propise o naknadama i taksama, kao i provedbene propise o oporezivanju;
 - član 37. stav 1. tačka a) alineja 2.: Jedinicama lokalne samouprave pripadaju kao vlastiti prihod, lokalne takse i naknade čije iznose utvrđuje Općinsko vijeće u skladu sa zakonom.
- **Zakonu o pripadnosti javnih prihoda u FBiH** („Službene novine FBiH“, broj:22/06 43/08, 22/09, 35/14 i 94/15)
 - član 13. stav 1. tačka c): Jedinici lokalne samouprave pripadaju, kao javni prihod; naknade i takse u skladu sa propisima jedinica lokalne samouprave.
- **Statutu Općine Vareš-Prečišćeni tekst broj: 01-162/12 od 11.09.2012. godine**
 - član 22. tačka 6.: Općinsko vijeće u okviru svoje nadležnosti donosi propise o porezima, taksama, naknadama i doprinosima Općine u skladu sa zakonom;
 - član 86.; stav 2. tačka a) alineja 3.: Vlastiti prihodi Općine su komunalne takse, druge takse i naknade u skladu sa općinskim propisima.

II RAZLOZI ZA DONOŠENJE

Na području Općine Vareš poslovnu djelatnost obavljaju 3 (tri) privremena (pokretna) objekta – kioska, i smješteni su u I zoni koja obuhvaća naseljeno mjesto Vareš.

Budući da su kiosci u vlasništvu pravnog lica „iNovine d.o.o. BH, Sarajevo“ koje je po osnovu člana 5. Zakona o računovodstvu i reviziji Federacije Bosne i Hercegovine ("Službene novine Federacije BiH", broj 15/21) razvrstano u velika pravna lica, te im je po Odluci o općinskim komunalnim taksama broj:01-282/22 od 29.12.2022. godine, članom 11., Tarifni broj 1., stav 2). razrezana komunalna taksa na istaknutu firmu u iznosu od 9.000,00 KM (3 kioska po 3.000,00 KM).

Obzirom na vrstu proizvoda i usluga koji se prodaju u gore pomenutim objektima, smatramo da je iznos razrezane komunalne takse na istaknutu firmu prevelik u odnosu na prihode i dobit koju kiosci na području Općine Vareš mogu ostvariti od prodaje u toku godine, te da je realan iznos takse 5% od 3.000,00 KM, odnosno 150,00 KM po objektu.

Kako ne bi došlo do eventualnog zatvaranja kioska, što bi dovelo do gubitka radnih mjesta kao i smanjenja usluga za građane Općine Vareš predlažemo Općinskom vijeću da usvoji dopunu Odluke u predloženom obliku.

PREDLAGAČ

OPĆINSKI NAČELNIK

Zdravko Marošević